

Na osnovu čl. 6. i 26. Zakona o Vladi Kantona Sarajevo ("Službene novine Kantona Sarajevo", br. 7/96, 10/96, 20/98 i 4/01), člana 29. stav 2. Zakona o ustanovama ("Službeni list RBiH", br. 6/92, 8/93 i 13/94) i člana 93. Zakona o visokom obrazovanju ("Službene novine Kantona Sarajevo", br. 17/99, 14/00, 15/01 i 13/02), Vlada Kantona Sarajevo, na 108. sjednici održanoj 1. augusta 2002. godine, donijela je

ODLUKU

O DAVANJU SAGLASNOSTI ZA IMENOVANJE DEKANA JAVNE USTANOVE PEDAGOŠKA AKADEMIJA U SARAJEVU

I

Daje se saglasnost Upravnom odboru Javne ustanove Pedagoška akademija u Sarajevu, da se prof. dr. ZEHRA HUBIJAR imenuje za dekana Javne ustanove Pedagoška akademija u Sarajevu.

II

Ova odluka će se objaviti u "Službenim novinama Kantona Sarajevo".

Broj 02-05-14 614-7.2/02
1. augusta 2002. godine
Sarajevo

Premijer
Nermin Pećanac, s. r.

Na osnovu čl. 6. i 26. Zakona o Vladi Kantona Sarajevo ("Službene novine Kantona Sarajevo", br. 7/96, 10/96, 20/98 i 4/01), člana 29. Zakona o ustanovama ("Službeni list RBiH", br. 6/92, 8/93 i 13/94), člana 13. stav 2. Odluke o osnivanju Javne ustanove "MES-Međunarodni teatarski i filmski festival Sarajevo" ("Službene novine Kantona Sarajevo", broj 3/99 - prečišćeni tekst), Vlada Kantona Sarajevo, na 108. sjednici održanoj 1. augusta 2002. godine, donijela je

ODLUKU

O DAVANJU SAGLASNOSTI UPRAVNOM ODBORU JAVNE USTANOVE "MES - MEĐUNARODNI TEATARSKI I FILMSKI FESTIVAL SARAJEVO" ZA IMENOVANJE DIREKTORA

I

Daje se saglasnost Upravnom odboru Javne ustanove "MES - Međunarodni teatarski i filmski festival Sarajevo" da imenuje DINU MUSTAFIĆA za direktora Javne ustanove "MES - Međunarodni teatarski i filmski festival Sarajevo".

II

Odluka stupa na snagu danom donošenja i objavit će se u "Službenim novinama Kantona Sarajevo".

Broj 02-05-14 614-7.4/02
1. augusta 2002. godine
Sarajevo

Premijer
Nermin Pećanac, s. r.

Na osnovu čl. 6. i 26. stav 4. Zakona o Vladi Kantona Sarajevo ("Službene novine Kantona Sarajevo", br. 7/96, 10/96, 20/98 i 4/01) i člana 21. stav 2. alineja 1. Odluke o osnivanju Javnog preduzeća "Sarajevo-šume" ("Službene novine Kantona Sarajevo", broj 19/99), Vlada Kantona Sarajevo, na 107. sjednici održanoj 25. jula 2002. godine, donijela je

ODLUKU

O DAVANJU SAGLASNOSTI NA ODLUKU O IZMJENAMA I DOPUNAMA STATUTA JAVNOG PREDUZEĆA "SARAJEVO-ŠUME"

I

Daje se saglasnost na Odluku o izmjenama i dopunama Statuta Javnog preduzeća "Sarajevo-šume" ("Službene novine Kantona Sarajevo", broj 18/00).

II

Odluka o davanju saglasnosti na Odluku o izmjenama i dopunama Statuta Javnog preduzeća "Sarajevo-šume" stupa na snagu danom donošenja i objavit će se u "Službenim novinama Kantona Sarajevo".

Broj 02-05-14 330-6/02
25. jula 2002. godine
Sarajevo

Premijer
Nermin Pećanac, s. r.

Ministarstvo prometa i komunikacija

Na osnovu čl. 64., 66., 67. i 68. Zakona o cestama Federacije BiH ("Službene novine Federacije BiH", broj 6/02), Sporazuma o nadležnostima nad magistralnim cestama koje prolaze kroz Kanton Sarajevo (broj 01-05-836/97), a u vezi sa članom 41. Zakona o kantonalnoj upravi ("Službene novine Kantona Sarajevo", broj 20/01), ministar Ministarstva prometa i komunikacija Kantona Sarajevo, donosi

PRAVILNIK

O VISINI I NAČINU PLAĆANJA NAKNADE ZA KORIŠTENJE CESTOVNOG POJASA I ZEMLJIŠTA KOJE PRIPADA CESTAMA NA PODRUČJU KANTONA SARAJEVO

Član 1.

Ovim pravilnikom utvrđuje se visina i način plaćanja naknade za korištenje cestovnog pojasa i cestovnog zemljišta koje pripada:

- magistralnim cestama na području Kantona Sarajevo (prema Sporazumu sa Federalnim ministarstvom prometa i komunikacija),
- regionalnim i
- lokalnim cestama od interesa za Kanton.

Član 2.

Cestovni pojas čini projektovani popriječni presjek ceste i najmanje jedan metar sa obje strane, računajući od krajnjih tačaka popriječnog profila ceste.

Cestovno zemljište čine: cestovni pojas, površine na kojima su izgrađene cestarske kuće, stacionari, servisi, benzinske stanice, parkirišta, površine za odvodnju do recipijenta i drugi objekti za potrebe održavanja ceste i usluga vozilima i putnicima, predviđeni projektom ceste.

Član 3.

Zemljište se može koristiti za: vršenje privrednih i vanprivrednih djelatnosti; obavljanje poljoprivrednih djelatnosti; pristup objektima; postavljanje kioska u sklopu nastrešnica i dr.

Član 4.

Da bi objekat bio izgrađen u cestovnom pojasu i cestovnom zemljištu, korisnik mora imati odobrenje za građenje koje izdaje

nadležni općinski organ uz prethodnu saglasnost Ministarstva prometa i komunikacija.

Pravna lica iz oblasti privrede i društvene djelatnosti kao i građani (u daljem tekstu: korisnici) koji koriste zemljište saglasno odredbama Zakona o cestama plaćaju naknadu za korištenje tog zemljišta.

Naknada iz prethodnog stava, plaća se unaprijed za godinu dana a najkasnije do 31. marta u tekućoj godini.

Član 5.

Naknada se obračunava:

- a) po kvadratnom metru korištene površine cestovnog zemljišta ili
- b) po jednom kiosku u nastrešnicama.

Član 6.

Godišnja naknada za korištenje cestovnog zemljišta po kvadratnom metru površine iznosi:

- zemljište za obavljanje privredne djelatnosti.....5,00 KM/m²
- zemljište za obavljanje poljoprivredne djelatnosti3,00 KM/m²

Naknada za korištenje zemljišta u tramvajskim, autobuskim i trolejbuskim nastrešnicama:

- za kiosku u nastrešnici..... 100,00 KM/kom

Član 7.

Osim naknade za korištenje zemljišta iz člana 6. ovog pravilnika korisnik je obavezan da plati troškove postupka oko izdavanja saglasnosti i izlaska stručne komisije na predmetne lokacije u iznosu od 50,00 KM što je prihod Ministarstva prometa i komunikacija - Direkcije za puteve.

Član 8.

Ugovor o korištenju zemljišta zaključen između Ministarstva prometa i komunikacija - Direkcija za puteve i korisnika zemljišta precizira prava, obaveze ugovornih strana i sankcije u slučaju nepoštivanja odredaba iz ovog pravilnika.

Ugovor se zaključuje na određeno vrijeme sa mogućnošću produženja.

Član 9.

Ugovor sadrži visinu naknade za korištenje zemljišta u putnom pojasu prema članu 6. ovog pravilnika, način plaćanja,

vrijeme za koje se zaključuje ugovor, zateznu kamatu za neblagovremeno izmirivanje obaveza, otkazni rok kao i druge odredbe zavisno od konkretnog slučaja.

Otkazni rok ne može biti kraći od 15 dana ni duži od 6 mjeseci.

Član 10.

Naknadu za korištenje zemljišta korisnik uplaćuje na račun Ministarstva prometa i komunikacija - Direkcija za puteve, odmah po zaključenju ugovora.

Naknada iz prethodnog stava je prihod Ministarstva prometa i komunikacija - Direkcije za puteve.

Član 11.

Korisnici zemljišta koji su stupili u posjed prije stupanja na snagu ovog pravilnika, dužni su zaključiti ugovor o korištenju zemljišta sa Ministarstvom prometa i komunikacija - Direkcija za puteve u roku od 60 dana od dana stupanja na snagu ovog pravilnika.

Član 12.

Ukoliko korisnik zemljišta ne zaključi ugovor u roku iz prethodnog člana ili ne plati naknadu, Ministarstvo prometa i komunikacija - Direkcija za puteve će, u skladu sa Zakonom o općem upravnom postupku, pokrenuti postupak za naplatu naknade.

Član 13.

Odredbe ugovora koje su u suprotnosti sa odredbama ovog pravilnika nemaju pravno dejstvo.

Član 14.

Stupanjem na snagu ovog pravilnika stavlja se van snage Pravilnik o visini i načinu plaćanja naknade za korištenje zemljišta u putnom pojasu i drugog zemljišta koje pripada regionalnoj cesti na teritoriji Kantona ("Službene novine Kantona Sarajevo", broj 12/00).

Član 15.

Ovaj pravilnik stupa na snagu danom objavljivanja u "Službenim novinama Kantona Sarajevo".

Broj 04-05-14562
25. jula 2002. godine
Sarajevo

Ministar
Zahid Pita, s. r.

GRAD SARAJEVO

Gradsko vijeće

Na osnovu člana 33. i člana 36. stav 1. Zakona o budžetima - proračunima u Federaciji Bosne i Hercegovine ("Službene novine Federacije BiH", broj 20/98) i člana 24. stav 1. tačka 6. Statuta Grada Sarajeva ("Službene novine Kantona Sarajevo", br. 12/98 i

14/98), Gradsko vijeće Grada Sarajeva, na sjednici od 30. jula 2002. godine, usvojilo je